

第三五八冊

明倫彙編

氏族典

楊姓部

張姓部

(卷)

三十一
三十二
三十三
三十四

古今圖書集成

中華書局影印

古今圖書集成

目錄

卷一

古今圖書集成

中華書局影印

欽定古今圖書集成明倫彙編氏族典

第二百三十一卷目錄

楊姓部列傳七

明一

楊維楨

楊璟

楊憲

楊思義

楊引

楊載

楊鑑

楊儀

楊靖

楊大中

楊節

楊本

楊宗昌

楊榮

楊溥

楊復

楊景人

楊丹珉

楊春

楊信民

楊寧

楊洪

楊信

楊基

楊國典

楊希聖

楊恆

楊元杲

楊鈞

楊士英

楊卓

楊德禮

楊文

楊砥

楊景人

楊士奇

楊善

楊勉

楊慈

楊廣仁

楊景衡

楊贊

楊翥

楊剛

楊能

楊鼎

楊璫

楊璫

楊集

楊浩

楊瑛

楊崇

楊守隅

楊瑄

楊守陞

楊茂仁

楊廷和

楊綸

楊汝真

楊時敷

楊廉

楊志學

楊子器

楊昇

楊源

楊忠

楊守禮

楊學

楊沔

楊淮

楊言

楊守陳

楊宣

楊海清

楊繼宗

楊文卿

楊守隨

楊導

楊一清

楊茂元

楊茂

楊廷儀

楊循吉

楊時暘

楊光博

楊成章

楊旦

楊果

楊銳

楊典

楊慎

楊循

楊倫

楊最

楊麒

楊黼

氏族典第二百三十一卷

楊姓部列傳七

明一

楊維楨

按列朝詩集小傳鐵崖先生楊維楨字廉夫會稽人泰定丁卯用春秋擢進士第署天台尹狷直忤物十年不調張士誠屢召不往築懸圃蓬壺於松江之上海內薦紳大夫及東南才俊之士造門無虛日酒酣以往筆墨橫飛粉鉛狼籍或戴華陽巾披鶴氅坐船屋吹鐵笛作梅花弄或呼侍兒歌白雪之辭自倚風色和之洪武二年上以前朝老文學思一見之曰豈有八十老婦再理嫁衣者賦老客婦詞進御上賜安車詣闕百二十日即以白衣乞骸骨歸故里上成其志

楊基

按名山藏高道記基字孟載著書十萬餘言名曰論鑒嘗于坐上賦鐵筆歌楊維楨驚喜與高啓張羽徐賓號吳中四傑張士誠辟致之王師平吳籍置臨濠又遷之豫後起令平陽復從坐徙白鹿爲從史又以罪斥再起東安還授員外出按山西竟以謫還役鍾官卒

楊璟

按名山藏勳封祀營陽侯楊璟合肥人從起太平摧城當先從征江漢克全末靖江洪武三年授開國輔運推誠宣力武臣榮祿大夫柱國侯祿一千五百石賜諸券與誓身免三死子免一死侯十三年卒贈芮國公予諡

楊國興

按明外史茅成傳楊國興定遠人以右翼元帥授神武衛指揮使攻閭門與敵力戰死以其子益襲指揮使

楊憲

按明外史楊憲傳憲字希武陽曲人少從父官江南遂家焉太祖克集慶憲進謁與語悅之畱居幕府除博士諮議擢江南行省都事久之出為浙東行省郎中遷中書省參議出為江西行省參政召為司農卿參政中書省洪武元年改御史中丞憲數短李善長於帝前善長由是深忌憲明年出為山西參政召為中書右丞三年遷左丞憲有才辯刻深多忌丞相汪廣洋庸儒位憲上憲深惡之遂嗾御史劉炳等劾罷又教炳劾刑部侍郎左安禮等八人帝知其為憲所使於是善長劾憲排陷大臣帝怒窮竟其罪憲遂伏誅

楊希聖

按明外史楊憲傳憲弟希聖帝為吳王時用為中書省參議頗弄權不法李善長奏之安置淮安

楊思義

按明外史楊思義傳思義不詳其籍里太祖稱吳王授起居注吳元年設司農卿以思義為之明年建元洪武設六部改為戶部尚書調陝西行省參政卒於官

楊恆

按明外史楊恆傳恆字本初諸暨人外族方氏建義塾館四方遊學士恆幼往受諸經輒領旨要文峻潔

有聲郡邑間居白鹿山自號白鹿生太祖既下浙東命樂鳳知州事鳳請為州學師恆固讓不起後唐鐸知紹興欲辟起之復固辭未濂之為學士也擬薦為國子師復辭不受恆性醇篤與人語出肺腑相示稍乖名義輒峻言指斥家無儋石而臨財甚介鄉人奉為楷法焉

楊引

按明外史楊引傳引吉水人好學能詩文駙馬都尉陸賢從受學入朝舉止端雅太祖喜問誰教者以引對立召見賜食他日賢以襲服見引即引去有司頻以孝廉文學善書薦皆不赴復以纂修徵亦不就其教學者先操履而後文藝節飲食時動息迄老視聽不衰

楊元杲

按明外史楊元杲傳元杲滁人為太祖所知數侍左右既入集慶立江南行中書省授元杲左司員外郎尋進郎中歷應天府尹卒於官子貢博學彊記以詞翰知名薦授大名知縣至周府紀善

楊載

按明外史趙秩傳楊載官行人再使日本還復使琉球皆有功帝嘉之賞賚有加

楊鈞

按雲南通志鈞字大用寧州人元時任威楚通判後避地景東明師南征鈞勸土官歸款賴國公上其績除通政司知事歷陞戶部郎中尋陞雲南土官參議劉三吾稱其在官以忠居家以孝云

楊鑑

按萬姓統譜鑑世襲土官洪武初率其屬張坤趙簡來朝授宣慰使賜敕獎諭俾其未堅臣節後屢隨大軍討平叛寇卒贈懷遠將軍子昇襲職蒞政勤敏邊境綏寧未幾初請開學校由是民皆習詩書禮義焉

楊士英

按萬姓統譜士英知福州持身廉潔為政嚴明典禮讓厚風俗凡百建置俱有條理吏民無不感服清譽大振鄰郡皆取則焉

楊儀

按萬姓統譜儀知鄧州學術正大以禮化民有爭訟者必諄諄勸諭使相感悔不得已然後用刑立規設法遠過常情務追古之循吏在任未久而卒

楊卓

按明外史楊卓傳卓字自立泰和人洪武四年進士授吏部主事遷廣東行省員外郎坐事謫鳳陽屯種召為禮部主事改杭州通判卓精吏事吏不能欺而為政尚寬恕民悅服焉病免卒

楊靖

按明外史楊靖傳靖字仲寧山陽人洪武十八年進士選庶吉士試事吏科明年試戶部右侍郎尋授左二十二年進尚書明年調刑部審決冤獄多所平反久之坐事免召為左都御史有鄉人繫獄擊登聞鼓訴狀靖代改狀草為御史所勅賜死

楊德禮

按應城縣志德禮字嘉甫其先臨濠人祖義元末為應城尹值四方兵起干戈阻隔不得歸里遂家應城德禮洪武乙丑進士授戶部主事監兌蘇松不受請

託調工部營膳郎中建文初遷陝西參議會邊儲告
匱乃增價糴糧遠近爭輸之民賴以濟遷參政卒於
官

楊大中

按萬姓統譜大中臨海人博學洽聞仕元爲秘書著
作郎致仕家居洪武中遣行人齎幣幣聘之畱文淵
閣數月以老職歸所著赤城志及隨手錄三十卷

楊文

按萬姓統譜文倉山人甲辰領神鎗從征功陞右軍
都督食事世指揮使二十七年充總兵率舟師鎮守
太倉仍督浙江海船召掌中都雷守充總兵率十五
萬人征廣西三十年遼東練軍屯田充總兵征鹵前
將軍率京師湖廣江西兵征五開擒殺蠻賊建文初
充總兵屯開平靖難兵起宋忠敗文移守遼佐吳高
時出兵攬北平吳高削爵徙廣西文專領遼東建文
三年冬文引兵萬餘掠薊州殺戮極慘靖難後召文
還憐其開國老將得不死永樂四年卒世羽林右衛
指揮使

楊節

按萬姓統譜節洪武末徐州知州爲政以厚風俗爲
務州大疫遣醫四出治療躬自督視又捐俸以給病
之貧者喜獎拔士類所薦士後皆知名

楊砥

按明外史楊砥傳砥字大用澤州人洪武末由進士
授行人司右司副歷官湖廣布政司參議建文中父
喪歸廬墓側成祖即位起鴻臚寺卿乞終制服闋擢
禮部左侍郎坐巡視河渠失職降工部主事改禮部

歷北京行太僕卿砥剛介有守尤篤孝行母喪哀毀
卒

楊本

按河南通志本中牟人通易學曉兵法建文時爲鎮
撫靖難兵起本從李景隆往禦之軍敗被執不屈死

楊景

按六合縣志景革除壬午以陝西漢中衛百戶死于
王事後以子洪貴累贈後府都督加贈昌平侯

楊宗昌

按無錫縣志宗昌邑老儒與同邑朱待用後先授經
於蘇州知府姚善家教其子節後善被戮節成遠邊
二人間關徒步護節以行遂皆死於道中人稱爲雙
義

楊士奇

按明外史楊士奇傳士奇名寓以字行泰和人早孤
力學建文初集諸儒修太祖實錄士奇用王叔英薦
遂入翰林與編修事尋命吏部考諸儒士奇策奏第
一授吳王審理副成祖即位改編修進侍講永樂二
年爲左中允進左諭德士奇奉職甚謹又善掩人過
帝北巡士奇留輔太子十四年進翰林學士十九年
改左春坊大學士又明年帝崩太子即位立擢禮部
侍郎兼華蓋殿大學士尋進少保復進少傅修太宗
實錄爲總裁官宣宗即位修仁宗實錄仍爲總裁宣
德十年帝崩皇太子方九齡內廷頗有異議士奇請
見太子於文華殿頓首稱萬歲羣臣皆賀浮議乃止
正統三年進少師中官王振大作威福廷臣惶恐而
士奇依違其間無所救正士奇既老子稷傲狠或告

士奇稷乃許告者私事誑士奇士奇輒信稷稷惡日
甚於是言官交章劾稷下之理士奇憂不能起九年
卒諡文貞

楊榮

按明外史楊榮傳榮字勉仁建安人初名子榮建文
二年進士授編修燕王即位儲入內閣爲更名榮進
修撰侍講已進右諭德五年命往甘肅經略軍務還
進右庶子明年以父喪歸既葬起復視事明年母喪
乞歸帝以北行期迫不許待諸皇孫讀書文華殿講
授有程度皇太子稱之進翰林學士十六年掌院事
十八年進文淵閣大學士榮論事激發不能容人過
然善探人主意諛言微中從北征次榆木川帝崩榮
與少監海壽先馳報太子太子即位進太子少傅謹
身殿大學士仁宗崩宣宗即位進少傅英宗即位委
寄如舊賜予相屬五年乞歸展墓還至武林驛而卒
諡文敏

楊善

按明外史楊善傳善字思敬大興人成祖起兵預城
守有勞授典儀所引禮舍人永樂元年改鴻臚寺序
班進鳴贊累進右寺丞仁宗即位擢本寺卿正統六
年擢禮部左侍郎十四年扈駕北征及土木師潰善
間行得脫也先將人寇改左副都御史提督京城守
備寇退進右都御史景泰元年廷臣朝賀畢循故事
相率賀於朝房善獨流涕曰上皇在何所而我曹獨
賀乎也先遣使議和廷議簡四人爲正副使與偕行
乃命善爲正使往奉皇上皇還還左都御史加太子太
保王振用事善媚事之至是又與石亨曹吉祥結天

順元年上皇復辟封興濟伯賜券世襲後為章華所誣漸疎外怏怏死諡忠敏子宗襲金吾指揮使孫增尚公主

楊溥

按明外史楊溥傳溥字弘濟石首人舉進士授編修未幾初侍皇太子為洗馬久之以父喪歸太子命起視事十二年東宮遣使迎帝還帝怒逮繫獄溥益奮讀書不輟繫十年仁宗即位釋溥擢翰林學士入閣典機務尋進太常卿宣宗即位召還內閣四年以母喪去起復遷禮部尚書英宗立復入內閣正統四年進少保武英殿大學士十一年進少師溥質直廉靜無城府論事平心諸大臣皆服卒諡文定

楊勉

按萬姓統譜勉江寧人風姿俊偉有應變才永樂初登進士第改庶吉士擢刑部主事有能聲累遷刑部侍郎

楊復

按萬姓統譜復長興人刻苦問學為詩文尚奇古日抄唐韻數過得字義之精末樂初浙江鄉試第一登進士拜監察御史累遷大理少卿決獄判案人服其能

楊慈

按萬姓統譜慈莆田人幼穎敏下筆數千言立就其文豐贍典則直欲追躋古作者末樂戊子鄉試第一辛卯登進士改庶吉士慈體貌豐偉志氣軒昂以科第文辭為儒者末事抱負甚大未及用而卒

楊景

按雲南通志景安寧人事母孝中永樂癸卯舉人初判霸州改澧州判秩滿擢化州州同會峒賊攻城守將夜絕城以避兵民不滿三百景激以大義皆願盡力又縛羣人披衣甲置城上有二人緣堞上擒斬以徇賊引去天順庚辰以老乞致仕以子太傳一清貴贈如其官

楊廣仁

按萬姓統譜廣仁上饒人讀書識大體永樂間為虞城知縣百廢具興民有火災值風烈弗禁廣仁以誠禱得大雨以熄後大雨潦將傷稼廣仁齋沐禱之雨立止遭喪民哭送者數千百人

楊丹珉

按萬姓統譜丹珉龍溪人末樂間由國子生授奉新知縣先是邑有民道宿於鋪鋪長意其有重賞謀殺之匿其屍其母訴於縣誣逮者衆丹珉訪得其人遂釋所誣者嘗歲早禱雨輒應蝗起不入其境後知潑水縣終泰州同知俱有顯績

楊景衡

按萬姓統譜景衡瑞安人末樂中領鄉薦擢兵部主事陞吏部郎中勤於職務進陞福建布政司左叅政致仕卒有詩文

楊春

按雲南通志春建水人末樂間從征交趾陣亡

楊瓚

按明外史孫原貞傳楊瓚蓋縣人永樂末進士知趙城縣課績為山西最擢鳳陽知府正統十年舉治行卓異擢浙江右布政使景泰二年瓚以湖州諸府官

田賦重請均之民田賦輕者詔與孫原貞督之田賦稱平久之卒官

楊信民

按明外史楊信民傳信民名誠以字行浙江新昌人舉於鄉入國學宣德時除工科給事中喪母營葬土石必躬舁服闋改刑科正統中清軍江西還以王直薦擢廣東左參議清操絕俗景帝監國用于謙薦命守備白羊口而廣東賊黃蕭養圍廣州急嶺南人乞信民乃以為右僉都御史巡撫其地信民至厲甲兵招降解散賊勢漸衰信民暴疾卒景泰元年三月也計聞詔其子玠為國子生成化中賜諡恭惠

楊耆

按明外史陳濟傳楊耆字仲舉吳人少孤貧隨兄戍武昌授徒楊士奇微時流寄窘之耆輒解館舍讓之士奇既得志薦耆經明行修宣宗詔試吏部稱旨授翰林院檢討歷修撰正統中詔簡郡王府僚耆為左右長史久之引年歸王即大位拜禮部右侍郎景泰三年進尚書致仕明年卒帝念之召其子聿入觀官本邑主簿

楊寧

按明外史楊寧傳寧字彥謚歙人宣德五年進士授刑部主事機警多才能正統四年從征麓川擢郎中破賊有功師還超拜刑部右侍郎還母憂奪情九年參贊雲南軍務景泰初召拜禮部尚書以足疾調南刑部英宗復位命致仕踰年卒

楊剛

按深陽縣志剛字宗毅宣德間由歲貢授萬全都司

斷事有異政擢河南道御史巡按雲貴治尚嚴明軍民相安尋授四川僉事改江西致仕

楊洪

按名山藏勳封記昌平伯楊洪六合人祖政立功世漢中百戶洪嗣官調開平累功都指揮正統初以都督守獨石敗寇宣府大石門寶昌州捕寇阿台打刺花十三年封伯祿千石充總兵鎮宣府十四年坐英宗駕陷寇逮繫獄寇犯京師出獄立功與孫鑑范廣等擊寇涿州紫荆等處遂至固安大捷捕寇阿歸等四十八人斬首功四百八十邀還俘掠人萬計馬牛弓刀數萬寇退進侯景泰二年賜世券還鎮宣府卒贈潁國公予諡子傑嗣侯卒亡子庶兄俊先以擒叛者喜寧功陞都督坐罪論死降都督僉事嗣侯卒復坐罪當死失侯子珍嗣天順元年坐黨于謙伏誅珍成廣西天順八年赦還授龍虎指揮使孫越調開平

楊能

按名山藏勳封記武強伯楊能正統中從伯父洪有功累開平指揮使敗寇灣河三岔口擢都指揮僉事洪還朝連敗寇紫荆倒馬二關景泰元年擢都指揮同知以遊擊將軍禦邊宣府敗賊八里溝八里村擢都指揮使仍充遊擊將軍統神機京兵尋擢後軍都督僉事充左叅將鎮宣府進都督同知充左副總兵召還總神機京兵天順元年以殺賊功擢左都督總兵宣府大同有警請自行戰敗賊磨兒山石灰站進封奉天朔衛宣力武臣特進榮祿大夫柱國伯祿千石流伯四年卒亡子弟倫嗣世指揮使

楊信

按名山藏勳封記彰武伯楊信正統中從其伯父洪捕寇累功所鎮撫至都督同知充總兵官天順二年佩將軍印總兵鎮守延綏領軍與寇戰擒斬賊首阿力台王封奉天朔衛宣力武臣特進榮祿大夫柱國伯祿千石給券免一死流屢逐寇天順八年予世伯二十一年卒追封侯子諡子謹嗣弘治十年質嗣嘉靖十八年儒嗣四十一年炳嗣

楊鼎

按明外史楊鼎傳鼎字宗器陝西咸寧人家貧力學正統中舉鄉會試第一殿試第二授編修也先將寇京師詔行監察御史事募兵兗州還進侍講景泰五年起擢戶部右侍郎天順初轉左成化四年為尚書加太子少保鼎居戶部持廉介然性頗拘滯給事御史劾鼎非經國才鼎再疏求去馳傳歸卒諡莊敏

楊璿

按無錫縣志璿字叔璣正統四年進士授戶部主事遷山西右叅政進陝西右布政使拜戶部侍郎尋改右副都御史撫治荆襄流民巡視直隸永平山海居庸諸邊盜起房竹縣璿發兵俘獲數千人殲其渠魁移撫河南卒官性耿介交不苟合事必求其是不擇利害為趨舍中歲有退志自號宜閒

楊守陳

按明外史楊守陳傳守陳字維新野人祖範有學行守陳舉景泰二年進士改庶吉士授編修成化初充經筵講官進侍講英宗實錄成遷洗馬尋進侍講學士母憂闋起故官孝宗出閣為東宮講官進少詹事孝宗嗣位官僚悉遷秩執政擬守陳南京吏部右侍郎

郎帝舉筆去南京字修憲宗實錄充副總裁弘治改元以史事繁乞解部務乃以本官專事史館二年卒諡文懿

楊瑄

按明外史楊瑄傳瑄字廷獻豐城人景泰五年進士授御史剛直尚氣節天順初畿內民訴曹吉祥石亨奪其田頃以聞并列二人怙寵專權狀吉祥請罪之不許未幾亨西征還過瑄星見十三道御史張鵬等將劾亨吉祥諸違法事給事中王鉉洩於亨亨乃先與吉祥泣訴於帝明日疏入帝大怒遂收鵬及瑄下獄遣成鐵嶺牛道赦還復謫成南丹憲宗即位還故官瑄尋遷浙江副使進按察使卒

楊宜

按畿輔通志宜新城人景泰時進士歷官禮部左侍郎掌鴻臚寺事有辨劉千金餘黨皆誣劾曹吉祥石亨橫逆兩疏當時快傳

楊集

按明外史鍾同傳同請復儲下詔獄有進士楊集上書于謙謙以書示王文文曰書生不知忌諱要為有膽當進一言處之乃以集知安州集常熟人也

楊海清

按城步縣志海清大竹坪人有勇略景泰七年苗寇掠邵湘海清率其妻及其徒追戰殺賊後援不絕遂遇害

楊浩

按明外史單宇傳景泰時中官與安用事佞佛請帝建大隆福寺四年三月寺成帝尅期臨幸河東鹽運

判官楊浩力諫乃止浩濟寧人由鄉舉入國學累官右副都御史巡撫延綏

楊繼宗

按明外史楊繼宗傳繼宗字承芳陽城人天順初舉進士授刑部主事成化初擢嘉興知府性剛介孤峭人莫敢犯秩滿起遷浙江按察使聞母喪還服除以右僉都御史巡撫順天為權貴所疾治中陳翼計其過權貴因中之左遷雲南副使孝宗立遷湖廣按察使居無何復以僉都御史巡撫雲南卒繼宗力持風節而居心慈厚自處必以禮天啓初諡貞肅

楊瑛

按建安縣志瑛字希王本浙江人父徽授建安丞遂家焉瑛資性明敏文氣英發舉進士選為庶吉士曹欽之變入朝遇害贈翰林編修

楊文卿

按萬姓統譜文卿字質夫鄞人少穎敏不凡十三通舉子業弱冠入郡庠發解浙省第一舉會試第二初授刑部主事時有尹清者夜飲殺人事發匿豪家令其妻賄同飲者張鐸承之文卿一訊知其誣根捕尹清家長者為請不聽竟坐清而釋左驗者陞山西提學僉事嚴條約公勸懲嘗曰考試糊名此以草提學之弊非革士子弊也不自為弊安用是瑣瑣者哉乃不糊名士無異議陞山東提學副使以積勞致疾而卒文卿外圓而內方平居恂恂和易臨事即確然不可奪居官律已務為清約門無私謁室無長物其死也囊無餘貲惟圖書數篋而已所著有極畦集筆談類彙名溪集若干卷子叔通第戊辰進士陞南京兵

刑工禮四曹陞湖廣提學副使積官至山西左布政使乞納祿而歸廉儉不愧其父

楊崇

按福州府志崇連江人自其高祖宗連傳至崇六世同居其家法子弟無私財一門之內雍雍如也其家舊隸戎籍有司徵之崇諸弟方爭行適崇子孟自外歸曰孟世嫡也即辭父母于役成化初有司以其義行上聞

楊守隨

按明外史楊守隨傳守隨字維貞鄞人侍郎守陳從弟也舉成化二年進士授御史巡視漕運巡按江西所至以風采見憚擢應天府丞母憂歸服除補官初李孜省授太常寺丞因守隨言改上林監副憾之至是譖於帝中旨責貶南寧知府弘治初召為應天府尹歷進工部尚書掌大理寺韓文偕九卿論八黨文等既逐守隨憤上章極論之疏入帝不省劉瑾輩深銜之坐庇鄉人重獄除其名瑾誅復官又十年卒諡康簡

楊守隅

按明外史楊守隨傳守隨從弟守隅由進士歷官江西參政有政績劉瑾惡守隨并罷守隅官瑾死後起官四川終廣西布政使

楊導

按明外史楊士奇傳士奇子導字叔簡少豪放後折節向學博涉經史能詩賦以廢補尚質忝成化中遷為卿乞改南京秩滿改太常少卿卒

楊瑄

按貴州通志瑄字通判貌魁梧有膽略成化三年茅坪賊亂同叅將吳經進剿至江口卒遇賊力戰死之事聞贈奉議大夫

楊一清

按明外史楊一清傳一清字應寧其先雲南安寧人父景移居巴陵一清少而能文登成化八年進士第父喪卜葬丹徒遂家焉服除除中書舍人遷山西按察僉事以副使督學陝西以其職究邊事甚悉入為太常少卿進南京太常卿弘治十五年擢左副都御史督理陝西馬政延綏寧夏甘肅有警命一清總制三鎮軍務遂建議修邊帝可其奏而劉瑾憾一清不附己誣一清冒破邊費逮下詔獄大學士李東陽王鏊力救之事乃解安化王寘鐸反詔起提督軍務中官張永監其軍一清知永與瑾有隙乘間言之永竟如一清策誅瑾永以是德一清左右之於帝召還拜戶部尚書盜平加少保入參機務力請骸骨歸世宗即位廷臣交薦遣官存問陝西三邊總制關詒一清以少傳改兵部尚書左都御史泣之召為吏部尚書武英殿大學士加少師特進左柱國與張璁桂萼不相能致仕歸璁等構朱繼宗獄坐一清受張永弟容金錢遂落職一清大恨疽發背死久之復官諡文襄

楊守陞

按明外史楊守陳傳守陳弟守陞字維立成化初鄉試第一入國學祭酒刑部議下獄率六館生伏闕訟冤十四年進士及第授編修秩滿為南京侍讀弘治初召修憲宗實錄再遷侍講學士修會典充副總裁尋遷南京吏部右侍郎考績入都會典猶未成仍留為

總裁事竣遷左侍郎武宗立引年乞休歸詔加尚書致仕卒

楊茂元

按明外史楊守陳傳守陳子茂元字志仁成化十一年進士授刑部主事歷郎中出爲湖廣副使改山東弘治七年言后戚家貪暴逮置詔獄言者論救謫長沙同知謝病歸久之起安慶知府遷廣西左參政正德四年劉瑾遣御史孫迪校勘錢穀索賄不予遂勒致仕瑾誅起官江西遷雲南左布政使以右副都御史巡撫貴州改南京都察院終刑部右侍郎

楊茂仁

按明外史楊守陳傳守陳子茂仁字志道成化末進士歷刑部郎中終四川按察使

楊茂

按沅州志茂字本隆本衛指揮僉事博通經史識達事理累立軍功歷陞都督同知賜玉帶卒賜祭葬

楊廷和

按明外史楊廷和傳廷和字介夫新都人父春湖廣提學僉事廷和成化十九年成進士改庶吉士授檢討正德二年由詹事入東閣專典誥敕忤劉瑾改南京吏部左侍郎遷南京戶部尚書召改吏部尚書武英殿大學士特加少師李東陽致政廷和遂爲首輔以父卒乞奔喪不許三請乃許服闋即召之帝方恣遊宣府大同延緩間廷和數上疏諫止不聽以是邑邑不自得數移疾乞骸骨帝亦不聽寧王宸濠反帝帥師親征命廷和與大學士毛紀居守帝既南兩更歲朔廷和頗以鎮靜持重爲中外所推服與世子

即帝位廷和知經筵事修武宗實錄充總校加左柱國及議大禮廷和持論不撓累疏乞休嘉靖二年正月聽之去七年明倫大典成詔定議禮諸臣罪廷和削職爲民明年六月卒隆慶初復官諡文忠子慎惇孫有仁皆進士

楊廷儀

按明外史楊廷和傳廷和弟廷儀進士兵部左侍郎

楊綸

按陝西通志綸安化人字大經成化甲辰進士知肅寧縣擢監察御史歷按宣府河南四川不事慘刻獨治賊吏不少貸有望風解綬去者發宣府總兵趙昶貪酷處死孝宗謂其無忝真御史云歷陞按察使逆瑾用事綸以不附構罪下詔獄半載不屈後以才望重綸陞僉都御史巡撫宣府命下之日軍民惟呼動地尋陞右副都御史掌院事見時不可爲累疏乞休後人稱爲清白大夫

楊循吉

按明外史楊循吉傳循吉字君謙吳縣人成化二十年進士授禮部主事善病好讀書一歲中數移病不出弘治初請致仕歸結廬支硎山下課讀經史旁通內典父母既歿傾貲治墳寢苦墳側武宗駐蹕南都用伶人薦召賦打虎曲稱旨易武人裝日侍御前爲樂府小令帝以優俳畜之不授官循吉以爲恥辭歸晚歲落莫益堅僻自好卒年八十九

楊汝眞

按名山藏方外記汝眞揚州人自幼刻苦修全眞之道遇異人授以元理入蜀彭縣往來荷僦楊平二觀

蜀獻王敬禮之壽百二十一千丹景山尸解

楊時暘

按明外史楊鼎傳鼎子時暘進士官侍講學士多識典故有用世才

楊時敷

按明外史楊鼎傳鼎子時敷舉人廬墓被旌官兵部司務

楊光博

按萬姓統譜光博沂水人進士任刑部主事員外郎中成化間進士元勳魏國公兄弟讎讐累年不覓上命理之光博至昭宣德意振舉國章累年之訟一旦俱釋上嘉獎賜以寶楮陞山西按察司副使致仕所居建亭曰素封鑿池引水吟咏其間著翦燈瑣語沂川文集素封亭稿梅花集誄傳于世

楊廉

按萬姓統譜廉字方震豐城人成化進士歷官南京禮部尚書諡文恪廉好學能文負時名吏事精敏性介耿恥回互學問可擬古醇儒事業可擬古名臣德性可擬古君子求之當世鮮有其儔

楊成章

按明外史楊成章傳成章道州人父泰爲浙江長亭巡檢以妻何氏無出納丁氏女爲妾生成章泰卒丁氏父子之子而奪其母乃剪銀錢與何別約各藏其半俟成章長授之越六年何隔殺授成章半錢告之故成章鳴咽受命既冠即執半錢尋母母先已適東陽郭氏生于日珉而成章徧訪之無所遇而還弘治十一年東陽與史李紹裔以事宿珉家珉母知爲

道州人遺珉問知成章已爲諸生乃令珉執半錢覓其兄成章亦在尋母遇珉於江西舟中遂俱至東陽母子始相聚成章迎母不遂棄月廩赴東陽侍養及母卒廬墓三載始返至嘉靖十年成章以歲貢入都珉亦以事至述成章尋親事上之吏部部臣言之朝授成章國子監學錄

楊志學

按明外史楊守謙傳守謙父志學字選夫弘治六年進士巡撫大同寧夏邊人愛之累官刑部尚書卒諡康惠

楊旦

按明外史楊榮傳榮曾孫旦字晉叔弘治中進士爲吏部郎中持正有風采遷太僕少卿改太常劉瑾要往見不可左遷知溫州府治最遷浙江提學副使瑾誅入爲應天丞進尹禮部右侍郎改戶部進右都御史總督兩廣以母憂歸嘉靖初起掌南院就遷戶部尚書改吏部張璁桂萼驟遷學士旦極言不可爲給事中陳沆所劾致仕卒

楊子器

按明外史楊子器傳子器字名父慈谿人舉進士第歷知崑山高平二縣移常熟皆有實政擢吏部考功主事弘治十三年火節寇邊掠軍民榆林城下守將閉門子器請先按縱寇不擊者罪然後進討又言宜勅邊將偵其出入如寇掠延緩則甘涼之兵出掠寧夏則大同之兵出其所不趨趨其所不備乘間抵隙羣其巢穴樞府馬文升善其言下之邊將時孝宗大開言路子器數有建白最後又陳二十事正德初

歷驗封郎中尋出爲湖廣參議與平郴桂山賊再遷河南右叅政卒官

楊果

按揚州府志果字實夫興化人弘治壬戌進士謁選授戶部主事乞便養改南寧陞刑部員外郎以執法稱簡陞吏部文選郎中黜陟明允請託不行陞南京右通政攝刑部事聞宸濠變上言九事尋乞養歸嘉靖初用言官薦起南京太僕寺卿再乞歸養復起爲南京戶部侍郎卒於官

楊昇

按萬姓統譜昇字起同吳縣人弘治間以進士爲庶吉士除給事慨然以論議獨違爲任會上方詔海內直言無隱昇隨事有所規益奉使遼碣素羸以勞悴得疾值奔母喪卒婦孕且未產已而得子伊志能續父業累官刑部侍郎

楊銳

按明外史楊銳傳銳字進之蕭縣人嗣世職爲南京羽林前衛指揮使正德初以才推掌龍江右衛事寧王宸濠有異謀王璉以安慶居要害宜置戍乃進銳都指揮僉事守備其地十四年六月丙子宸濠反己丑奄至安慶城下銳晝夜拒戰殺賊二百餘乃稍卻七月賊悉兵至銳殊死戰賊多死會聞伍文定破南昌遂解圍去事聞武宗大喜擢銳參將世宗立論功擢都督僉事再遷僉書左府改南京右府充總兵官鎮遼東改督漕運鎮淮安嘉靖十年爲巡按御史李循義劾罷踰年卒

楊源

按明外史楊瑄傳瑄字源字本清曉天文授五官監候正德元年劉瑾等亂政十月霖霧時作源言此衆邪之氣小人擅權下將叛上引譬甚切瑾怒矯旨杖三十釋之又上言火星入太微垣乞收攬政柄思患預防瑾大怒又杖六十謫戍肅州行至河陽驛以創卒嘉宗卽位賜諡忠懷

楊瑛

按萬姓統譜瑛字景瑞揭陽人正德戊辰進士授御史性剛方慷慨有大節師事白沙與王陽明友善講究正學嘗立家訓族規鄉約以教宗族鄉黨官南臺彈劾不避權貴按南畿激揚有聲以養病疏歸卒於家

楊忠

按明外史楊忠傳忠寧夏人世官中衛指揮使以功進都指揮僉事廉介有謀勇正德五年安化王寘鐸反其黨丁廣將殺巡撫安惟學忠在惟學側罵賊廣怒殺之

楊慎

按明外史楊慎傳慎字用修新都人少師廷和子也舉正德六年殿試第一授翰林修撰丁繼母憂服闋起故官十二年武宗徵行出居庸關憤抗疏切諫尋移疾歸世宗嗣位起充經筵講官嘉靖三年桂萼張璁爲翰林學士慎偕同列疏諫不得命伏左順門大哭聲徹殿庭帝怒悉下詔獄廷杖謫戍憤得雲南末昌衛卒於戍所

楊守禮

按明外史劉天和傳楊守禮字秉節蒲州人正德六

年進士除戶部主事嘉靖初屢遷湖廣僉事坐事謫叙州通判累遷右副都御史巡撫四川初守禮貶叙州爲僉事張文奎所辱至是文奎遷四川參議恐守禮修郤以先所摠事奏詔二人俱解職守禮才器敏達中外以爲能家居未久會薦起河南參政再遷右副都御史巡撫寧夏寇犯固原守禮邀敵之進右都御史總督軍務錄前後功進兵部尚書加太子少保以憂去久之卒

楊循 楊學

按陝西通志循學俱華亭人工用勁弓射獵必獲虎豹正德中敵掠華亭循學與戰同時被賊刺死

楊倫

按青城縣志倫邑諸生正德六年流賊入城劫之使從倫義不辱賊將殺之妻崔氏乞以身代賊怒刃之幾死復甦後任唐縣令

楊河

按句容縣志河字東之由正德丙子鄉舉己丑進士授南京大理寺左評事轉本寺左寺正鞫獄詳明晉知桂林府遷俊秀立章程以訓迪之軍民向化母喪服闋補贛州府晉憲副備兵饒州賑饑荒平寇掠民用是安堵以四川憲長入覲引年乞休歸

楊最

按明外史楊最傳最字殿之射洪人正德十二年進士授工部主事歷郎中出爲寧波知府累遷貴州按察使入爲太僕卿世宗好神仙會方士段朝用者以所煉白金器百餘進云以盛飲食物供齋醮卽神仙可致也帝喜諭廷臣令太子監國朕少假一二年親

政如初舉朝愕不敢言最抗疏諫帝大怒立下詔獄重杖之杖未畢而死

楊淮

按明外史楊淮傳淮字東川無錫人正德十二年進士授戶部主事再遷郎中監京倉淮通二倉最後監內庫例有供餽淮悉絕之公勤廉慎以伏闕受杖卒

楊麒

按江西通志麒字仁甫上饒人藍山丞福子也正德進士歷官工部尚書積學能文隨事輒辦嘗建蘆溝橋今往來者德之

楊言

按明外史楊言傳言字維仁鄞人正德末進士授行人嘉靖四年擢禮科給事中六年錦衣百戶王邦奇借哈密事請誅楊廷和彭澤等下部議未覆而邦奇復誣大學士費宏石瑄陰庇廷和詞連廷和子主事惇等將典大獄言抗疏言之書奏帝震怒并收繫言親鞫于午門言備極五毒折其一指卒無撓詞謫宿州判官稍遷溧陽知縣歷南京吏部郎中坐事再謫知舞陵累官湖廣參議言爲吏多著聲績

楊黼

按名山藏本土記黼雲南太和縣蟠溪村人素好學讀五經皆百遍尤好釋典工書善篆籀人勸其應舉笑曰不理性命理外物耶庭前有桂樹縛板樹上題曰桂樓偃仰其中詠歌自得躬耕數畝以供甘旨但求親悅不顧餘也註疏孝經數萬餘言引證羣書極談性命編摩皆小古篆作字片硯硯乾欲下樓取水硯池中忽已盈矣自是爲常人謂孝感父母歿爲備

營葬葬畢入雞足樓羅漢壁石窟山十餘年壽至八十子孫迎歸一日沐浴令子孫拜曰明日吾行時至卒棺殮既畢子孫親戚皆在柩前燈火笑笑見其自外而入大笑曰楊黼先生今日纔了事也

欽定古今圖書集成明倫彙編氏族典

第二百三十二卷目錄

楊姓部列傳八

明二

楊名	楊守謙
楊博	楊霄
楊宜	楊載鳴
楊九澤	楊挺高
楊時光	楊順
楊選	楊允繩
楊鏜	楊繼盛
楊巍	楊思忠
楊尚英	楊成
楊道亨	楊錦
楊照	楊効
楊應卿	楊周
楊覓三	楊管五
楊孫郎	楊三
楊俊民	楊時喬
楊一魁	楊維藩
楊豫孫	楊行中
楊上林	楊復楚
楊先春	楊遇春
楊松	楊起潛
楊起元	楊鎬
楊恂	楊燦
楊道賓	楊天民

楊續芝	楊其休
楊榮	楊鶴
楊嗣修	楊連
楊邦憲	楊東明 貴州人
楊通照	楊一鵬
楊嗣昌	楊之章
楊所修	楊遜
楊景辰	楊維垣
楊方盛	楊以成
楊文岳	楊文驄
楊東明 虞城人	楊鯨
楊通增	楊鳴高
楊廷烈	楊念如
楊京	楊正芳
楊茂春	楊廷樞
楊于陞	楊鶚
楊士聰	楊廷麟
楊繩武	楊大烈
楊于楷	楊泰運
楊體亨	楊世浩
楊世業	楊徵
楊國柱	楊振
楊逢泰	楊萃
楊世思	楊家龍
楊元瀛	楊諫
楊德政	楊應春
楊載	楊自騰

楊文薦	楊開
楊佩	楊咄
楊定國	楊仁政
楊廷璧	楊祖應
楊積石	楊善譽
楊拱辰	楊強子
楊泰初	楊子蔭
楊鷺	楊時生
楊夢鼎	楊正春
楊應璧	楊氣開
楊心赤	楊道升
楊舜	楊畏知
楊師祿	楊四謙
楊柏	楊浦
楊士奇	楊彥俊
楊嶂	楊忠
楊天瑞	楊暄
楊姓部藝文	
龜山族譜跋	明楊滋
重修龜山族譜跋	楊宗閔
楊姓部選句	
楊姓部紀事	
楊姓部雜錄	

氏族典第二百三十二卷

楊姓部列傳八

明二

楊名

按明外史楊名傳名字實卿遂寧人嘉靖七年鄉試第一明年以第三人及第授編修十一年十月彗星見名應詔上書言汪錄郭勛陳道瀛金贊仁數人皆不當用疏入帝震怒即執下詔獄拷訊無所承諷成編伍瞿塘衛明年釋還家居二十餘年奉親孝親歿與弟台廬於墓免喪疾作卒

楊守謙

按明外史楊守謙傳守謙字允亨徐州人舉嘉靖八年進士授屯田主事改職方歷郎中出為陝西副使改督學政有聲就拜叅政擢右僉都御史巡撫山西俄移撫延綏二十九年進副都御史巡撫保定未幾俺答入寇率師入援詔同各路援兵相機戰守寇薄都城諸將禦之不能却進守謙兵部右侍郎協同提督內外諸軍事守謙孤軍薄俺答營而陣無後繼不敢戰帝聞不悅而尚書丁汝夔慮喪師戒勿輕戰諸將亦堅壁輒引汝夔及守謙為辭流聞禁中帝益怒寇退遂執守謙及汝夔廷鞫之坐失誤軍機戮於市隆慶初諡恪愍

楊博

按明外史楊博傳博字惟約蒲州人父瞻四川僉事博舉嘉靖八年進士除蓋屋知縣調長安徵為武庫主事歷職方郎中遷山東提學副使轉督糧叅政二十五年超拜右僉都御史巡撫甘肅進右副都御史

以母憂歸服闋召拜兵部右侍郎轉左經略薊州保定尋遷總督薊遼保定軍務三十三年進右都御史明年擢兵部尚書錄防秋功加太子少保丁父憂去兵部尚書許論罷帝起博代之博未終喪疏辭而帝以大同右衛圍急改博總督宣大山西軍務加太子太保勦遼總督王忬被逮移博代之召還加少保帝憂邊甚博每先事為防久之改吏部尚書隆慶改元進少傅御史龐尚鵬被論博議留忬旨遂謝病歸大學士高拱掌吏部薦博堪本兵詔以吏部尚書理兵部事六年高拱罷改博吏部進少師明年疾作三疏乞致仕歸逾年卒諡襄毅

楊晉

按明外史楊晉傳晉字伯珍富平人以學行名舉嘉靖八年進士授行人擢御史以母老乞歸養母喪廬墓服闋起故官二十年元日微雪大學士夏言尚書嚴嵩侍郎溫仁和等作頌稱賀晉撫膺太息上疏極諫帝好祥瑞惡言者晉疏詆符瑞且詞過切直帝震怒立下詔獄踰年工部員外郎劉魁再踰年給事中周怡皆以言事同繫歷五年不釋至二十四年八月有神降於亂帝感其言立出三人獄未踰月尚書熊汝疏言亂仙之妄帝怒曰我固知釋晉諸妄言歸過者紛至矣復令東廠追執之比三人至復同繫鎮撫獄二十六年十一月大高元殿災帝禱於露臺火光中若有呼三人忠臣者遂傳詔急釋之家居二年卒隆慶初復官萬曆中賜諡忠介

楊宜

按萬姓統譜宜字伯時衡水人嘉靖癸巳進士授御

史督南直隸學校考鑑精富一時名士多出其門歷總督軍務兵部右侍郎都察院右副都御史

楊載鳴

按萬姓統譜載鳴字虛卿秦和人嘉靖戊戌進士任文選郎中甄別得人歷左叅政

楊九澤

按萬姓統譜九澤字子德華陰人嘉靖戊戌進士任御史巡按浙江有風裁稱名御史

楊挺高

按萬姓統譜挺高字叔謙金鄉人嘉靖辛丑進士任工部主事榷蕪湖關毫不入私家歷河南左右布政使清介自持與人無交按雖性氣少粗然亦確然有守之士也

楊時光

按山西通志時光石州人嘉靖二十年九月邊牆不守將至石州預先打造虎尾炮五百餘杆置買硝磺千餘斤贖輸粟五百石實倉以備兵十六日載粟來州中途遇兵不屈而死知州王明勸其節義申請具題旌表

楊順

按明外史楊順傳順德州人嘉靖二十年進士為人傾殺不修節操累官朔州兵備副使巡撫大同明年進副都御史又明年進兵部右侍郎督宣大山西軍務給事中吳時來劾其罪成邊隆慶初給事中陳瓚追論順阿權相殺直臣論斬逆所盜賊順瘐死

楊選

按明外史楊選傳選字以公章丘人嘉靖二十三年

進士授行人擢御史遷易州兵備副使大同巡撫朱
笈被逮起拜選右僉都御史代之憂歸再起仍故職
四十年擢總督勸遼副都御史以居庸公道却敵功
進兵部右侍郎明年古北口守將遣哨卒四人出塞

爲衆顏衛人所掠其部長通漢叩關索賞副總兵胡
鎮執之通漢子懼擁哨卒請易其父通漢者辛愛妻
義父也選欲以奉制辛愛要其子入質乃遣還父自
是諸子迭爲質選馳疏以聞自謂方略十月丁卯辛

愛大舉入犯京師戒嚴帝大驚諭閣臣徐階令兵部
諭諸軍併力勦逐明日選以寇東遁聞自謂追逐功
帝疑之以問階對曰謂之追逐則可謂之追殺則不

可帝銜之給事中李瑜劾選罪被逮下詔獄內侍家
葡西者譚言寇之入由通漢父子勾之帝入其言益
怒論死戮於市

楊允繩

按明外史楊允繩傳允繩字翼少松江華亭人嘉靖
二十三年進士授行人擢兵科給事中再遷戶科左
給事中謝病歸久之起故官三十四年巡視光祿光

祿丞胡膏僞增物直允繩劾之膏者言元典隆重不
敢徒取充數允繩憎臣簡別太精斥言齋醮之用取
其可耳何必精擇其欺誘元修如此帝遂大怒下允

楊鏗

按江夏縣志鏗與朱恩俱楚府引禮生嘉靖二十四
年正月十八日楚世子英燿張燈于酒間殺父慈王
鏗恩聞變奮門出越城奔告巡撫以狀聞燿英燿至

京師斬首焚其尸鏗奔出告變時倉皇過宮門叩銅
環大言曰宮中人世子弑國主好爲藏少子內臣藏
少子英燿溝中竟免于難

按明外史楊繼盛傳繼盛字仲芳客城人七歲失母
庶母妒使與豎牧牛年十三始從師學家貧益自刻
厲舉鄉試卒業國子監嘉靖二十六年登進士授南

京吏部主事召改兵部員外郎俺荅調京師帝命仇
鸞爲大將軍辦寇鸞畏寇甚請開互市市馬冀無戰
鬪固恩寵繼盛以爲讎恥未雪而遽議和示弱大辱

國乃奏言十不可五謬疏入帝頗心動鸞進密疏乃
下繼盛詔獄貶狄道典史已而俺荅數敗約入寇鸞
奸大露帝乃思繼盛言稍遷諸城知縣月餘調南京

戶部主事遷刑部員外郎當是時嚴嵩用事恨鸞陵
己心善繼盛欲驟貴之復改兵部武選司而繼盛惡
嵩甚於鸞抵任一月遂劾嵩十大罪疏入帝已怒嵩

密構於帝帝益大怒下繼盛詔獄杖之百令刑部定
罪侍郎王學益嵩黨也受嵩囑欲坐絞尚書何喬不
敢違竟如嵩指成獄然帝猶未欲殺之也繫三載會

都御史張經李天寵坐大辟嵩揣帝必殺二人比秋
審因附繼盛名并奏得報遂以三十四年十月朔棄
西市穆宗立卽直諫諸臣以繼盛爲首贈太僕少卿

楊巍

按明外史楊巍傳巍字伯謙海豐人嘉靖二十六年
進士除武進知縣擢兵科給事中忤吏部出爲山西
食事已還參議分守宣府爲陽和兵備副使擢右僉

都御史巡撫宣府踰年以養母歸歸二年名起巡撫
陝西隆慶初進右副都御史移撫山西復乞養母去
神宗立起兵部右侍郎萬曆二年改吏部進左侍郎

又以終養歸母年踰百歲卒十年起南京戶部尚書
旋召爲工部尚書明年遷吏部魏初數歷中外甚有
聲及秉銓素望大損然有清操性長厚不爲刻覈行

以年幾八十屢疏乞歸歸十五年九十二而卒

按明外史沈束傳嘉靖二十九年孝烈皇后大祥欲
預祧仁宗廟后太廟下廷議尚書徐階以爲非禮禮
科給事中楊思忠力贊階帝怒階思忠逾三年正

旦日食陰雲不見六科合疏賀帝摘疏中語詰爲不
成文曰思忠懷欺不臣久矣杖百斥爲民隆慶元年
起掌吏科三遷右僉都御史巡撫陝西五年改南京

戶部右侍郎致仕卒思忠字孝夫平定人嘉靖二十
年進士

按松江府志尚英鎮海衛千戶屬倭亂尚英戮力行
間大小數十戰積功遷至蘇松參將嘉靖三十五年
戰于吳淞江口逐北至海洋黎其舟十三俘斬三百

楊成

按明外史楊成傳成字允大長洲人嘉靖三十五年
進士授工部主事歷浙江副使隆慶初進四川參政
三遷廣西左布政使萬曆元年召爲應天府尹進右
副都御史巡撫江西贛州俗負險善鬪有爭產相格
殺巡撫名之爲賊驛書會勦成曰此一獄吏事耳何

兵爲贛撫獨以兵掩擊誠斬首百十計復會疏獻捷成愀然曰公下殘民命上欺朝廷吾塞耳不欲聞乃欲見浼耶辭不與歷工部左右侍郎八年拜南京工部尚書久之就改禮部移疾歸十五年起南京吏部尋改兵部致仕子子深以篤行聞鄉里

楊道亨

按萬姓統譜道亨字豫甫華亭人嘉靖丙辰進士歷雲南按察副使守真定時撫臣以他故誣罷尋爲監司奏數罪復故官方命下而卒道亨風骨聲秀而溫然謙卑長者性孝友好施與蓋惇實之君子也

楊錦

按益都縣志錦字尚綱號月川嘉靖丙辰進士授汝州知州歲祿請賑全活萬人陞戶部員外郎百姓攀留不得行歷任河東慶陽鎮兵道敷歷邊境大著威名陞甘肅巡撫前後軍功欽賞銀幣七次丁外艱遂不復出

楊照

按明外史楊照傳照字明遠嗣職爲前屯衛指揮使嘉靖中以功進署都指揮僉事充遼東遊擊將軍歷進都督僉事爲遼東總兵官三十九年進都督同知遂爲給事中王鶴所劾解職用薦以爲事官暫充遼東副總兵四十二年總兵官吳瑛罷以照代寇衆聚廣寧塞外謀大入照率遊擊線補哀郎得功等分道掩之照夜行失道去寨六十里天明爲寇所覺衆圍之照力戰中矢死照忠勇負氣撫士有恩以敢戰知名

楊効

按無錫縣志嘉靖丙辰夏倭至焚掠効與鄉勇禦賊斬賊首閭三等數人旣而衆潰死之

楊應卿

按長泰縣志應卿生員性慷慨喜譚兵事嘉靖三十九年倭寇攻縣應卿督游兵救援城以獲全四十一餘人規賊突遇接戰被創陣亡

楊周

按松溪縣志嘉靖壬戌倭寇圍縣周奮力禦倭被銃傷而斃

楊寬二

按松溪縣志嘉靖壬戌倭寇犯境寬二死戰禦倭銃傷而斃

楊管五

按松溪縣志嘉靖壬戌倭寇圍縣管五力敵倭寇被銃傷而死

楊孫郎

按松溪縣志孫郎邑人嘉靖壬戌十二月倭寇圍縣孫郎死戰禦賊斃于陣

楊三

按松溪縣志三邑人嘉靖壬戌十二月倭寇圍縣三奮力禦倭陣亡

楊俊民

按山西通志俊民字伯章博長子嘉靖壬戌進士授戶部主事陞河南督學敦厲風教刻二程全書置學田祀鄉賢忠義節烈者轉參政用法寬平獨嚴豪右巡撫鄖陽山東鳳陽所至斥貪殘損徭賦實戶口詒

戎兵務計地方之便陞戶部尚書總督倉庫時寧夏東倭告急徵餉不已議增鹽策議拜爵免罪議勸輸議借漕糧議轉山東粟百方補苴不思置之神宗嘗曰戶部安可一日無楊尚書奉宰缺則命攝吏部御史大夫缺則命攝都察院無不允當卒贈少保賜祭葬如例

楊時喬

按明外史楊時喬傳時喬字宜遷上饒人嘉靖四十四年進士除工部主事擢禮部員外郎遷南京尚寶丞萬曆初以養親去服除起南京太僕丞復遷尚寶移疾歸時喬雅無意榮進再起再告閏十七年始薦起尚寶卿四遷南京太常卿二十一年召拜吏部左侍郎帝委時喬銓柄又不置右侍郎一人獨理部事銓叙平允秉銓凡五年卒諡端潔

楊一魁

按山西通志一魁號后山瑄子嘉靖乙丑進士授行人擢兵科給事中累遷山東左布政使所在以清白著稱萬曆十一年陞副都御史巡撫河南十二年陞南京戶部右侍郎總督糧儲二十三年陞工部尚書總理河道提督軍務加太子少保二十六年欽取回京總理部務二十九年考滿加太子太保三十年求罷歸

楊維藩

按明外史楊照傳嘉靖四十四年寇犯小園山廣寧游擊楊維藩應戰力屈死維藩照叔父也結髮從父都督鎮於行間屢効首功積官指揮僉事

楊豫孫

按明外史江沼傳沼同年進士華亭楊豫孫字幼殷以南京吏部主事歷太常少卿提督四裔館時徐階秉國豫孫其里人頗見重凡人才進退國事可否多所咨決朝士有求於階者日輒膝膝孫門乃力求由外以石金都御史巡撫湖廣政尚寬平部內無事隆慶元年召拜大理卿未上卒

楊行中

按畿輔通志行中字惟慎通州人嘉靖時進士授山陰令選授御史按遼東世宗將幸承天行中力為諫止上震怒令廷杖會風颶變作得免累擢左副都御史轉刑部侍郎尋陞南京工部尚書轉南京吏部尚書以疾卒

楊上林

按萬姓統譜上林字子漸山陽人嘉靖進士授長興知縣寬厚通達文學優長官至吏科都給事中

楊復楚

按山西通志復楚沁州所副千戶嘉靖間勦綿山土賊楊甫等被賊火焚死州人立祠祀之奉旨加一級襲正千戶

楊先春

按新水縣志先春嘉靖時人膂力絕倫曾有大盜數十人劫其家先春以隻手舉數百斤磨盛茶以飲賊賊驚散去又嘗有盜來先春曰我與若較騎射勝我則以金相遺賊曰汝先之先春乃揚鞭走馬衝突於槐柳之下者三已而伸手抱槐樹上以雙足夾馬懸半空中馬不能逞惟四蹄踴躍而已盜笑而去之

楊遇春

按咸寧縣志遇春二都石坑人父早喪事母色養兼至母卒未葬家忽遇火遇春追不能移乃伏棺欲與母俱燼衆扶之出復投河衆又挽之須臾宅燬無遺而母棺獨存人以爲孝感所致

楊松

按明外史路問禮傳楊松河南衛人歷官御史巡視皇城尚膳少監黃雄微子錢與民閱兵馬司捕送松所事未決而內監令校尉趣雄入直詭言有駕帖松驗問無有遂劾雄詐稱詔旨帝怒命錮松三秩謫山西布政司照磨神宗立擢廬州推官終山西副使

楊起潛

按陝西通志起潛蓋屋人隆慶庚午科鄉試以會試赴都門聞母計三千里外徒步奔喪歸家蔬食三載哀毀骨立以歿

楊起元

按明外史王守仁傳楊起元萬曆五年進士歸善人選庶吉士累官吏部左侍郎卒

楊鎬

按明外史楊鎬傳鎬商丘人萬曆八年進士歷知南昌蠡二縣入爲御史坐事調大理評事再遷山東叅議進副使泰政二十五年朝鮮用兵擢右僉都御史經略朝鮮軍務是時倭將行長清正等據全羅爲久留計九月朔鎬抵王京十二月會總督邢玠提督麻貴議進兵方略分四萬人爲三協合攻蔚山賊閉城堅守以待援兵官兵攻圍不能下明年正月二日行長救兵驟至鎬大懼狼狽先奔諸軍繼之士卒死亡殆二萬贊畫主事丁應泰憤之盡列敗狀言鎬當罪

者二十八可羞者十帝怒欲行法首輔趙志臯營救乃罷鎬令聽勘已東征事竣給事中楊應文叙鎬功詔許復用三十八年起撫遼東爲給事中麻僖御史楊州鶴所劾鎬疏辨乞休去四十六年大兵起破撫順守將王命印死之遼東大震廷議鎬熟諳邊事起兵部右侍郎往經略既至申明紀律徵四方兵圖大舉明年正月會總督巡撫按定議以二月十有一日誓師二十一日出塞兵分四道期三月二日並進天大雪兵不前師期洩遂大敗文武將吏死亡無算敗書聞京師大震言官交章劾鎬逮下詔獄論死崇禎二年伏法

楊恂

按明外史楊恂傳恂字伯純代人萬曆十一年進士授行人擢刑科給事中累遷戶科都給事中論趙志臯忤旨出之外陳于陞沈一貫論救乃以原品調陝西按察經歷引疾歸久之卒

楊嫌

按貴州通志嫌萬曆乙酉舉人任灤州知州殉難贈光祿寺少卿賜祭葬廕一子

楊道賓

按明外史郭正域傳楊道賓字惟彥晉江人萬曆十四年進士第二授編修累遷國子祭酒少詹事禮部右侍郎掌翰林院事轉左改掌部事皇太子輟講已四年道賓極諫其冬天鼓鳴道賓言宜急罷職使更張關政以和民心帝不聽踰年卒官諡文恪

楊天民

按明外史楊天民傳天民字正甫山西太平人萬曆

十七年進士除朝城知縣調繁諸城有異政擢禮科給事中進右給事中開立久稽再疏請不報二十九年五月復偕同官上言帝大怒謫天民雜職得貴州未從典史天民幽憤卒

楊續芝

按沂州志續芝恭將楊顯子與父同勦播酋赴烏江老君關播酋迎敵應援不至續芝連斬數賊力竭身被數十槍隕於陣中

楊其休

按明外史李獻可傳獻可疏請諫帝大怒貶秩調外給事中楊其休疏救並貶一秩出之外其休青城人由蘇州推官擢吏科給事中罷歸未及召而卒

楊榮

按明外史楊榮傳榮尚膳監官也萬曆二十七年命採礦雲南并使監稅榮怙寵恣行威虐杖斃數千人三十四年正月怒操捕指揮使樊高明後期榜掠絕勦柳以示衆又以求馬不獲繫指揮使賀瑞鳳且言將盡捕六衛官於是指揮賀世勳韓光大等率冤民萬人焚榮第殺之投火中并殺其黨二百餘人

楊鶴

按明外史楊鶴傳鶴字修齡武陵人萬曆三十二年進士授維南知縣調長安四十年擢御史出督兩浙鹽法巡按貴州還朝引疾去旋丁外艱天啓初起太僕少卿擢右僉都御史巡撫南贛丁內艱初能延弼宣慰遼東鶴實薦之及魏忠賢擅政御史卓邁劾鶴黨護廷弼遂除名崇禎元年召拜左僉都御史尋進左副都御史明年拜兵部右侍郎總督陝西三邊軍

務是時羣賊蜂起而鶴素不膺軍旅之任廟堂誤用之莫知爲計雖時有克捷而其勢不衰鶴又素無方略以故一意主撫巡按御史吳桂鶴誤國帝怒遣使逮下獄成袁州八年冬卒於戍所

楊嗣修

按懷慶府志嗣修字景歐河內人以萬曆丁未進士授行人遷戶部主事出守衡州府平藍山臨武盜獮僅熙然化之調汾州府陞登州府副使遷神木參政尋晉秩按察使遷榆林道陞右僉都御史撫寧夏投劾歸

楊漣

按明外史楊漣傳漣字文瑞應山人爲人磊落負奇節萬曆三十五年成進士除常熟知縣舉廉吏擢戶科給事中轉兵科右神宗崩光宗嗣位越四日不豫中官崔文昇投以利刺帝疾甚漣遂劾崔文昇用藥無狀帝遂逐文昇漣預顧命感激誓以死報九月乙亥朔帝崩于熹宗即位凡六日漣定宮府危疑鬚髮盡白遷兵科都給事中御史賈繼春及其黨忌漣詆漣結王安圖封拜漣不勝憤抗疏乞歸天啓二年起禮科都給事中旋擢太常少卿明年拜左僉都御史又明年進左副都御史魏忠賢用事羣小附之漣益與趙南星左光斗魏大中輩植善類抑檢邪忠賢及其黨銜刺骨遂與汪文言獄其年六月漣抗疏力攻忠賢列其二十四大罪自是忠賢日謀殺漣至十月吏部尚書趙南星既逐廷推代者漣注籍不與忠賢矯旨責漣大不敬無人臣禮削籍忠賢憾不已再與汪文言獄將羅織殺漣五年其黨徐大化劾漣光斗

黨同伐異招權納賄命違文言鞠之許顯純嚴鞠文言使引漣文言大呼曰世豈有貪賊楊大洪哉至死不承大洪者漣別字也顯純乃自爲獄詞坐漣貶二萬遂逮漣下詔獄顯純酷法拷訊體無完膚其年七月遂於夜中斃之崇禎初諡忠烈

楊邦憲

按益都縣志邦憲字孝復號範我都御史鄧子萬曆丁未進士授戶部主事監廣潞河平準出入歷員外郎中出知西安府有惠政擢關內兵使者關以內大治晉四川大參丁母憂歸服闋補神木道實辛伍峙糧獨以計擒巨盜麻四等晉方伯備兵榆林拜右僉都御史巡撫江西解任歸

楊東明

按貴州志志東明平場千戶萬曆丁未仲賊劫掠抄作站東明挺身禦敵賊陷伏壕外東明乘勝擊之戰死于壕

楊通照

按明外史楊通照傳通照通杰銅仁人母疾兄弟爭拜禱求以身代越三年不入內室萬曆三十六年羣苗流劫至其家母被執去二人往追之轉鬪數十里至鬼空溪見賊繫母大罵殺入重圍中爲賊所磔死通照年二十五通杰年二十二泰昌元年旌曰雙孝之門

楊一鵬

按臨湘縣志一鵬字大友萬曆庚戌進士授成都司李時播酋用兵轉運皇木一鵬著兵木二議遷吏部文選主事累遷郎中天啓甲子除大理寺丞時魏璫